

O loo aofia ai le Opioids:

Heroini, fentanyl, ma vailaau/fualaa faatonuina mo tigā:

Vicodin (<i>hydrocodone</i>)	Percocet
OxyContin (<i>oxycodone</i>)	Methadone
Dilaudid (<i>hydromorphone</i>)	...ma isi
MS Contin (<i>morphine</i>)	

- Afai o tele le fa'aaogaina e se tasi o le opioids nai lo le mea e mafai ona talia e lona tino, e mafai ona latou matapogia, taofi le mānava, ma maliu ai.
- O le ova o le vailaau e mafai ona tupu i sekone po'o itula.
- O so'o se tasi na te fa'aaogaina le opioids e mafai ona ova ai le vailaau.

E faapefea ona ou mauaina le naloxone?

O le Naloxone (Narcan®) o se vailaau/fualaa faatonuina e le foma'i e taofi pu'upu'u ai aafiaga o le opioids ma fesoasoani i le tagata e toe amata ai ona manava.

E mafai ona faao'atu le naloxone e ala i le tui i le maso poo le fagina (spray) atu i puisu. E faigofie ma saogalemu le fa'aaogaina.

Alu i le stopoverdose.org ina iloa pe mafai ona mau le naloxone mai se faletalavai, foma'i, poo le matagaluega o le soifua maloloina e latalata ane iā oe.

Ova le Vailaau Opioid



Afai o fa'aaoga e se tasi e te iloa fualaa opioid, fentanyl, poo le heroini...

...pe e te silafia le mea e fai pe a ova lo latou fa'aaogaina o fualaa/vailaau?

Lamatiaga o le Ova o le Opioid

- **Toe amata le opioids ina ua uma se to'amaga.** O le onosa'i i le lē toe fa'aaogaina e mafai ona faaitiitia i ni nai aso.
- **O le fa'aaogaina o le opioids i le taimi e tasi** ma le 'avamalosi, benzodiazepines/"downers," cocaine, poo le methamphetamine. O le ova tele o vailaau i le taimi e tasi e oo atu ai faigata i lou fatu ma ou māmā.
- **O le fa'aaogaina o soo se heroini** ona o le tele o ituaiga ua vaimamā lelei.
- **Fa'aaogaina o soo se fualaa e le'i faatonuina mo oe.** E tusa lava poo fea na e mauaina mai ai, e foliga mai o loo iai le fentanyl i totonu.
- O le fa'aaogaina o au lava vailaau/fualaa mo tigā **fai soo pe maualuga le fua o le vailaau** nai lo tele na faatonuina mo oe.
- Faama'i o le fatu poo le māmā.

Ua siitia le aofaiga o ē maliliu i le fentanyl i le Setete o Uosinitone.

E sili atu ona malosi le Fentanyl nai lo se isi lava opioids ma e mafai ona vave le ova o le vailaau. E lē mafai ona e vaai pe tofoina le fentanyl. I Uosinitone, o le tele o fualaa e lē mai se faletalavai o ni fentanyl. E mafai foi ona maua i le pauta.

Puna o Faamatalaga

Washington Recovery Helpline (Telefoni o Fesoasoani i le Toe Malosi a Uosinitone) (24 itula o fesoasoani i se faafitauli & faasinomaga)

warecoveryhelpline.org, 1-866-789-1511

Suboxone/buprenorphine providers

tinyurl.com/bup-locator

Faamatalaga e tusa ai ma vailaau/fualaa faatonuina e fesoasoani e taulima ai le pulea e le opioid & ma tuuaitiitia ai lamatiaga o le ova o le opioid

learnabouttreatment.org

O lenei polosiua e lē suia ai le tele o toleniga atoa o le tali atu i le ova o le fa'aaogaina o le vailaau mai se vaega o saunia tausiga poo se faia'oga foma'i. Mo nisi faamatalaga atili asiasi i le: stopoverdose.org

Saunia e ala i le (faafou iā 6/2021): Faaliliuga fesoasoani iai le:



Washington State Health Care Authority



E ono mafai ona e fesoasoani e faasaoina se ola.

stopoverdose.org

Mea e fai pe a ova le fa'aogaina o le vailaau opioid:


1 Siaki: pe o faamata ua ova le vailaau opioid?

Vaai ma faalogo mo le:

- Gese pe lē manava
- Gurgling (tetete le leo), taumole le mānava, ta'agulu
- Sasama, mago le tino (ashy), malulū le pa'u
- Lanu moana pe efuefu laugutu poo atigilima
- Fagu fualaau, nila, poo le 'avamalosi



Taumafai e fa'aala mai latou i luga:



- Lūlū latou ma valaau latou igoa.
- Ōlo pona o lau moto i luga o ponaivi o latou fatafata.

Afai e lē mafai ona latou toe feala mai, e manaomia ona e gaoioi vave!

2 Vili le 911 mo se fesoasoani.



- Nofo i le mea o e iai ma e lē o mānava le tagata.
- E lē manaomia ona e fai atu se tala e tusa ai ma vailaau/fualaau poo vailaau faatonuina.

3 Ave iai le naloxone ma amata ona mānava atu e toe faola ai.

- **Ave iai le naloxone.** Mulimuli i faatonuga o i le pepa poo le afifi mo le toe faola ai mai le ova o le fa'aogaina o le vailaau.
- **Amata ona mānava atu e toe faola ai.**
- Afai e latou te lē tali mai i le 3-5 minute, avatu iai **falua le vailaau naloxone. Fa'aauiu ona mānava e toe faola ai.**



Mānava e toe faola ai e tusa lava pe e lē o iai se naloxone o iā te oe. E matuā tāua lava le okesene!

4 Nofo ma latou.

- Pe a amata ona latou feala mai ma mānava, nofo ma latou.
- **Nofo ma le tagata gasegase se ia taunuu atu le au lavea'i.** E uma le aogā o le naloxone i le 30-90 minute. Pe a o'o ina uma, e mafai ona toe taofi le mānava o le tagata.
- Afai e tatau ona e aluese, tuu latou i se tulaga o le toe malosi mai ma i se nofoaga e mafai ona maua atu iai latou.



Tulafono o le Samaria Agalelei

Afai e te maua se fesoasoani faafoma'i mo le ova o le fa'aogaina o vailaau poo le faa'onaina e le 'avamalosi, e lē molia oe poo le tagata o afaina i le fa'aogaina o vailaau/fualaau, umia, poo le inu ae le'i atoa tausaga e faataga ai.



WA RCW 69.50.315

Mānava e Toe Faola ai



- Faapi'o i tua le ulu. Lifi i luga le auvae. O'omi le isu.
- Tu'u atu iai **ni mānava se 2 faavavevave.** E tatau ona manu i luga le fatafata.
- Ona avatau lea iai **se mānava lemū se 1 i le ta'i 5 sekone.**
- **Fa'aauiu ona fai** se ia amata ona mānava pe se ia taunuu atu se fesoasoani.

Tulaga e Toe Malosi ai

